



Sud Bosne i Hercegovine
Sud Bosne i Hercegovine

Broj: S1 3 Iž 038605 20 Iž
Sarajevo, 04.11.2020.godine

Sud Bosne i Hercegovine u Sarajevu, u Apelacionom upravnom vijeću, sastavljenom od dr Branka Moraita kao predsjednika vijeća, Zvezdane Antonović i Srete Crnjaka kao članova vijeća, odlučujući o žalbi Kevelj Ozane, Kevelj Nedima i Kevelj Ide, svi na adresi 173 Trellick Tower, Golborne RD, London, W10 5UU, United Kingdom, izjavljenoj na odluku Centralne izborne komisije Bosne i Hercegovine, broj: 06-1-07-1-1059/20 od 01.10.2020.godine, na nejavnoj sjednici održanoj dana 04.11.2020.godine donio je

R J E Š E N J E

Žalba se u odnosu na žaliteljicu Kevelj Ozane se odbija.

Žalba se u odnosu na žalitelje Kevelj Nedima i Kevelj Idu se odbacuje kao nedopuštena.

O b r a z l o ž e n j e

Odlukom Centralne izborne komisije Bosne i Hercegovine, broj i datum navedeni u uvodu, podnosiocu žalbe odbijen je upis u izvod iz Centralnog biračkog spiska za glasanje izvan BiH za Lokalne izbore 2020.godine, za ukupno 27.960 birača po prijavama podnesenim do 01.09.2020.godine iz razloga što nema odgovarajući dokaz o identitetu.

Protiv ove odluke žalitelj Beganović Adis je blagovremeno uložio žalbu usvoje ime i u ime Burkić Beganović Almire. Navodi da se ne naćlaze na spisku za glasanje iz dijaspore iako su uredno popunili formulare i iste dostavili CIK BiH.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbaci kao nedopuštena odnosno da se odbije kao neosnovana.

Ispitujući ožalbenu odluku u okviru žalbenih navoda vijeće je zaključilo da žalba nije osnovana.

Prema stanju u spisu ovo vijeće konstatuje da je CIK BiH, prije donošenja ožalbene odluke, a prilikom razmatranja prijave Kevelj Ozane za glasanje izvan BiH- Lokalni izbori 2020.godine za Grad Mostar (PRP-1) dostavljene dana 06.09.2020.godine putem e-mail adrese ozanakevelj@yahoo.co.uk, utvrdila da žaliteljica nije dostavila validan dokaz o identitetu-dostavljena samo prednja strana lične karte.

Postupajući na način opisan u prednje utvrđenom činjeničnom stanju žaliteljica je postupila suprotno odredbi člana 3.15 stav (1) Izbornog zakona BiH („Službeni glasnik BiH“ broj 23/01 do 31/16), kojom je propisano da državljanin BiH koji živi u inostranstvu, a ima biračko pravo u skladu sa Zakonom i upisan je u Centralni birački spisak, da bi se nalazio u izvodu iz Centralnog biračkog spiska dužan je da se za svake izbore prijavi CIK BiH. Prijava mora biti zaprimljena u CIK BiH prije roka koji odredi CIK BiH, u periodu nakon raspisivanja izbora. Uz popunjenu i potpisanu prijavu podnosilac prilaže i dokaz o identitetu i podatke o tačnoj adresi u inostranstvu, te izjašnjenje o opciji glasanja u diplomatsko-konzularnom predstavništvu ili putem pošte.

U konkretnom slučaju žaliteljica nije uz prijavu dostavila sve potrebne i propisane podatke, tj. dokaz o identitetu koji bi potvrdio da su ispunjeni uslovi da se u smislu odredbe člana 5.12 stav (4) Izbornog zakona BiH nađe na izvodu iz Centralnog biračkog spiska za glasanje van BiH. Validnim dokazom o identitetu se smatra lična karta /osobna iskaznica ili vozačka dozvola ili pasoš/putnovnica Bosne i Hercegovine.

Žaliteljica je mogla putem internet stranice i putem info linije CIK BiH da se informiše o statusu njene prijave za glasanje izvan BiH i na taj način otkolni nedostatak koji se ogleda u činjenici da nije dostavljen identifikacioni dokument-dostavljena samo prednja strana lične karte.

Takođe, napomene radi, žalitelji nije oduzeto biračko pravo za Lokalne izbore 2020.godine, nego samo mogućnost glasanja putem pošte izvan BiH, jer ista može glasati na redovnom biračkom mjestu u općini u kojoj ima prijavljeno prebivalište u BiH.

Iz navedenih razloga Apelaciono upravno vijeće ovog suda nalazi da je pobijana odluka Centralne izborne komisije Bosne i Hercegovine pravilna i zakonita a žalba neosnovana, pa je istu primjenom odredbe člana 81. stav 1. druga rečenica, Zakona o upravnim sporovima Bosne i Hercegovine („Službeni glasnik BiH“ broj 19/02 do 74/10) valjalo odbiti.

Žalba u odnosu na Kevelj Nedima i Kevelj Idu nije dopuštena.

U odnosu na žalitelje Kevelj Nedima i Kevelj Idu, apelaciono vijeće je iz stanja spisa, utvrdilo da je u njihovo ime žalbu izjavila kevelj Ozana dana 29.10.2020.godine putem mail adrese ozanakevelj@yahoo.co.uk.

Obzirom da žaliteljica nije dostavila punomoć za izjavljivanje žalbe na pobijanu odluku Centralne izborne komisije BiH na ime Kevelj Nedima i Kevelj Ide, to se ista ne može smatrati kao dozvoljena i izjavljena od ovlaštenog lica.

Kako je po shvatanju apelacionog vijeća žalba izjavljena od neovlaštenog lica, u smislu odredbe člana 180. stav 3. Zakona o parničnom postupku pred Sudom BiH („Službeni glasnik BiH“ broj: 36/04, 84/07 i 58/13), to je istu, analognom primjenom člana 191. stav 1. tačka 1. citiranog zakona, a koji se primjenjuje temeljem odredbe člana 60.a) Zakona o upravnim sporovima Bosne i Hercegovine („Službeni glasnik BiH“, broj: 19/02 do 74/10), valjalo odbaciti kao nedopuštenu

Predsjednik vijeća
Sudija
dr Branko Morait